

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 7 APRIL 2015, PUKUL 10.00 PAGI**

**Bil. 18**

---

**PERTANYAAN-PERTANYAAN BAGI JAWAB LISAN**

1. PR-1331-L65452  
**Datuk Dr. Haji Abd. Latiff bin Haji Ahmad [ Mersing ]** minta **MENTERI KOMUNIKASI DAN MULTIMEDIA** menyatakan adakah Kementerian akan bercadang untuk menyediakan bantuan atau insentif bagi meringankan beban pengguna terutama penduduk miskin luar bandar semasa proses peralihan TV digital yang akan dilaksanakan pada tahun ini.
2. PR-1331-L66305  
**Tuan Wong Sze Phin @ Jimmy [ Kota Kinabalu ]** minta **MENTERI LUAR NEGERI** menyatakan rancangan Kerajaan yang akan diambil daripada segi kerjasama rantau Asia Tenggara dan antarabangsa sebagai Tuan Rumah atau Negara Presiden ASEAN dan Ahli Tidak Tetap dalam Majlis Keselamatan PBB untuk mengatasi masalah keselamatan yang dihadapi di pantai timur Sabah.
3. PR-1331-L67045  
**Dr. Mansor bin Abd Rahman [ Sik ]** minta **MENTERI KEMAJUAN LUAR BANDAR DAN WILAYAH** menyatakan apakah inisiatif yang dilakukan Kementerian kepada golongan belia luar bandar melalui pertandingan *Rural Bussiness Challenge* (RBC) , adakah ianya mendapat sambutan dari golongan belia dan berapakah jumlah usahawan belia yang dilahirkan melalui inisiatif ini.
4. PR-1331-L67227  
**Dr. Michael Jeyakumar Devaraj [ Sungai Siput ]** minta **MENTERI SUMBER ASLI DAN ALAM SEKITAR** menyatakan pengeluaran per kapita gas karbon dioksida oleh rakyat Malaysia untuk tahun 1995, 2000, 2010 dan 2014. Apakah pengeluaran karbon dioksida per kapita yang disasarkan untuk rakyat Malaysia menjelang tahun 2020.

5. PR-1331-L66551  
**Puan Rubiah binti Haji Wang [ Kota Samarahan ]** minta **MENTERI KEWANGAN** menyatakan:-
  - (a) status terkini permohonan perumahan Mesra Rakyat Parlimen Kota Samarahan; dan
  - (b) berapakah kuota kelulusan projek Rumah Mesra Rakyat (RMR) bagi setiap parlimen dan berapakah RMR yang telah dibina di kawasan Kota Samarahan.
6. PR-1331-L66260  
**Dato' Mohd Ariff Sabri bin Abdul Aziz [ Raub ]** minta **MENTERI TENAGA, TEKNOLOGI HIJAU DAN AIR** menyatakan:-
  - (a) berikutan Malaysia mempunyai 55 peratus rizab tenaga oleh TNB, berapakah jumlah elektrik yang dibeli oleh TNB daripada *Independent Power Producer* (IPP); dan
  - (b) bilakah harga belian tenaga daripada IPP mahu dikaji semula.
7. PR-1331-L65540  
**Tuan Masir Kujat [ Sri Aman ]** minta **MENTERI PERTANIAN DAN INDUSTRI ASAS TANI** menyatakan apakah status Projek Jelapang Padi di kawasan Tanjung Bijat/Stumbin setakat ini selepas ianya dilancarkan beberapa tahun lepas. Berapakah kos sebenar pelaksanaannya dan berapa ramai pemilik tanah/petani yang terlibat dalam projek tersebut.
8. PR-1331-L66421  
**Raja Dato' Kamarul Bahrin Shah [ Kuala Terengganu ]** minta **PERDANA MENTERI** menyatakan apakah status pengawasan pihak berkuasa ke atas aktiviti-aktiviti bot-bot Vietnam dan nelayan-nelayan Vietnam bagi memastikan mereka mematuhi segala undang-undang serta peraturan rombongan nelayan ke Parlimen pada sesi Parlimen 2014.
9. PR-1331-L67058  
**Datuk Haji Datu Nasrun bin Datu Mansur [ Silam ]** minta **MENTERI DALAM NEGERI** menyatakan statistik jenayah yang melibatkan pemerdagangan manusia *Human Trafficking* dari tahun 2011 hingga 2014. Memandangkan isu ini melibatkan jenayah rentas sempadan apakah kerjasama dan sepakatan yang telah dipersetujui di peringkat antarabangsa dalam memastikan Negara seperti Malaysia tidak lagi menjadi destinasi transit terhadap isu pemerdagangan manusia.
10. PR-1331-L65940  
**Dato' Dr. Nik Mazian bin Nik Mohamad [ Pasir Puteh ]** minta **MENTERI KESIHATAN** menyatakan bilakah perkhidmatan pakar di Hospital Daerah Pasir Puteh akan ditingkatkan. Bilakah perkhidmatan unit dialisis akan ditambah.

11. PR-1331-L65806  
**Dr. Noor Azmi bin Ghazali [ Bagan Serai ]** minta **MENTERI PERDAGANGAN ANTARABANGSA DAN INDUSTRI** menyatakan impak penurunan harga minyak global dan kejatuhan nilai ringgit terhadap Dasar Automotif Nasional yang lebih tertumpu kepada *Energy Efficient Vehicle* (EEV). Adakah perlu dasar ini dikaji semula bagi mengambil kira situasi ekonomi masa kini.
12. PR-1331-L66778  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI BELIA DAN SUKAN** menyatakan langkah yang diambil bagi membendung budaya hedonisme di kalangan belia.
13. PR-1331-L65549  
**Dato' Sri Haji Abdul Azeez bin Abdul Rahim [ Baling ]** minta **MENTERI KEMAJUAN LUAR BANDAR DAN WILAYAH** menyatakan mengapa tahap jalan dan sistem perparitan di kawasan luar bandar masih di tahap minima di mana penyelenggaraan jalan dan parit tidak dilakukan dengan baik dan teratur sehingga menyusahkan pengguna jalan raya dan mengakibatkan bencana banjir.
14. PR-1331-L65474  
**Dato' Kamarul Baharin bin Abbas [ Telok Kemang ]** minta **MENTERI KESIHATAN** menyatakan:-
  - (a) setakat mana Kementerian berusaha bekerjasama dengan pengeluar perubatan tradisional dan komplementari (PT&K) dalam aspek kajian serta penyelidikan dan menjalankan *clinical trial* untuk mengembang, membangun dan menggunakan (PT&K) seperti di negara-negara lain; dan
  - (b) apakah jenis-jenis perubatan tradisional dan komplementari (PT&K) yang telah dilaksanakan di 15 institusi kesihatan Kerajaan yang mempunyai unit tersebut.
15. PR-1331-L66903  
**Datuk Jumat bin Idris [ Sepanggar ]** minta **MENTERI KESIHATAN** menyatakan:-
  - (a) adakah Kementerian masih mengamalkan klinik bergerak di kawasan pedalaman Sabah; dan
  - (b) adakah Kementerian bercadang untuk menambah bilangan hospital di negeri Sabah khususnya di kawasan pedalaman.
16. PR-1331-L66444  
**Tuan William Leong Jee Keen [ Selayang ]** minta **MENTERI WILAYAH PERSEKUTUAN** menyatakan langkah-langkah yang diambil untuk menangani masalah pendatang haram dan pelarian UNHCR yang berdagang di kawasan Pasar Borong Selayang dan masalah-masalah sosial-ekonomi yang berpunca daripada ini.

17. PR-1331-L66653  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI DALAM NEGERI** menyatakan IPD Keningau yang terletak di tengah-tengah bandar Keningau semakin sempit, adakah cadangan untuk memindahkannya ke kawasan lain yang lebih luas dan selesa, sementara IPD lama boleh dijadikan Balai Polis Sentral untuk memberi perkhidmatan kepada masyarakat sekitar bandar Keningau.
18. PR-1331-L66278  
**Tuan Su Keong Siong [ Ipoh Timor ]** minta **MENTERI DALAM NEGERI** menyatakan bilangan pegawai-pegawai polis yang telah dikenakan tindakan disiplin atas kes-kes kematian banduan di bawah tahanan polis.
19. PR-1331-L67073  
**Dato' Hasbullah bin Osman [ Gerik ]** minta **MENTERI KESIHATAN** menyatakan jumlah doktor pakar terkini mengikut bidang masing-masing dengan jumlah pesakit di hospital kerajaan dan bagaimanakah Kerajaan menampung jumlah kes berkadar dengan jumlah doktor pakar yang ada bagi meningkatkan kualiti perkhidmatan perubatan dalam negara.
20. PR-1331-L66907  
**Dr. Mohd Hatta bin Md. Ramli [ Kuala Krai ]** minta **PERDANA MENTERI** menyatakan apakah langkah yang telah dibuat oleh pihak JAKIM bagi mengelak insiden yang berlaku semasa konsert K-Pop tidak akan berulang.
21. PR-1331-L66181  
**Dato' Wira Mohd Johari bin Baharom [ Kubang Pasu ]** minta **MENTERI PERDAGANGAN ANTARABANGSA DAN INDUSTRI** menyatakan tentang Dasar Automotif Negara (DAN) yang telah digubal oleh Kementerian itu. Apakah dasar itu menguntungkan pengguna atau semata-mata mahu menjaga kepentingan pengeluar dan pemilik AP kereta daripada luar negara. Jika DAN adalah dasar pragmatik, apakah harga kereta/kenderaan akan diturunkan secara berperingkat dan apakah jenis-jenis kenderaan yang terlibat di dalam penurunan harga itu.
22. PR-1331-L66487  
**Tuan Sim Tze Tzin [ Bayan Baru ]** minta **MENTERI DALAM NEGERI** menyatakan berapakah pekerja Bangladesh telah berjaya mendapat Pas Pekerja (*Employment Pass*) yang diluluskan oleh Kementerian Dalam Negeri dari 2009-2014. Nyatakan jumlah mengikut kategori-kategori pas pekerja.
23. PR-1331-L65586  
**Dato' Abdul Manan bin Ismail [ Paya Besar ]** minta **MENTERI KEWANGAN** menyatakan pendirian tegas Bank Negara Malaysia bagi melaksanakan siasatan menyeluruh terhadap dakwaan kegiatan individu tertentu mensabotaj ekonomi negara dengan menjatuhkan nilai mata wang ringgit demi mengaut keuntungan peribadi.

24. PR-1331-L66150  
**Tuan Wong Tien Fatt @ Wong Nyuk Foh [ Sandakan ]** minta **MENTERI KESIHATAN** menyatakan anggaran peruntukan serta perbelanjaan yang telah diguna dalam Hospital Awam Sandakan bagi tahun dari 2010 hingga 2014.
25. PR-1331-L66248  
**Dato' Noraini binti Ahmad [ Parit Sulong ]** minta **MENTERI PEMBANGUNAN WANITA, KELUARGA DAN MASYARAKAT** menyatakan senarai penuh kemudahan-kemudahan yang disediakan untuk warga emas oleh Kementerian dan berapakah bilangan penerima dan peruntukan yang disediakan pada 2014.
26. PR-1331-L66872  
**Tuan Lim Guan Eng [ Bagan ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sebab adanya peraturan baru sejak Oktober 2015 bahawa semua kelulusan untuk bangunan yang lebih 18 meter tinggi hanya boleh diperoleh daripada Ibu Pejabat Bomba Putrajaya. Adakah peraturan ini hanya di Pulau Pinang. Bukankah ini bercanggah dengan garis panduan OSC pihak Kerajaan Tempatan yang menetapkan tempoh sesuatu kelulusan mesti dibuat ikut tempoh masa demi meningkatkan daya saing.
27. PR-1331-L65819  
**Tuan Haji Ahmad Nazlan bin Idris [ Jerantut ]** minta **MENTERI PENDIDIKAN** menyatakan adakah Kementerian bercadang untuk menaikkan elaun Guru Besar berjumlah RM100 dan bagi sekolah menengah, elaun GPK RM120 dan Pengetua yang berjumlah RM150.
28. PR-1331-L67159  
**Tuan Gobind Singh Deo [ Puchong ]** minta **PERDANA MENTERI** menyatakan apakah langkah-langkah yang akan diambil untuk membantu mangsa-mangsa banjir di Kelantan, Perak, Pahang dan Johor baru-baru ini dan apakah rancangan untuk menyelesaikan masalah ini daripada serius berlaku.
29. PR-1331-L66036  
**Tuan Anyi Ngau [ Baram ]** minta **MENTERI PELANCONGAN DAN KEBUDAYAAN** menyatakan apakah usaha serta inisiatif pihak Kementerian di dalam membantu mempromosikan Baram sebagai destinasi ekopelancongan di peringkat global.
30. PR-1331-L66997  
**Tuan Gooi Hsiao-Leung [ Alor Setar ]** minta **PERDANA MENTERI** menyatakan sama ada kerajaan akan menubuhkan Suruhanjaya Siasatan Diraja untuk mengenal pasti sama ada Perjanjian Malaysia 1963 telah pun dilaksanakan sepenuhnya menurut roh Perjanjian tersebut.
31. PR-1331-L65375  
**Dato' Wira Othman bin Abdul [ Pendang ]** minta **MENTERI KEWANGAN** menyatakan pecahan pembayaran yang perlu dibuat oleh MAS untuk menutup Syarikat MAS yang lama dari jumlah RM3 bilion yang diperuntukkan.

32. PR-1331-L65457  
**Dr. Azman bin Ismail [ Kuala Kedah ]** minta **MENTERI DALAM NEGERI** menyatakan bagaimanakah Koperal Sirul Azhar Umar, tertuduh dalam kes Altantuya, dapat keluar negara sedangkan beliau tertuduh dalam kes jenayah berat dan mungkin dihukum mati.
33. PR-1331-L66812  
**Datuk Koh Nai Kwong [ Alor Gajah ]** minta **MENTERI PENDIDIKAN** menyatakan adakah kaedah denda merotan di sekolah dapat membantu membaikpulihkan disiplin sekolah, dan apakah denda yang dapat menggantikan kaedah merotan.
34. PR-1331-L67113  
**Datuk Seri Panglima Haji Abdul Ghapur bin Haji Salleh [Kalabakan]** minta **PERDANA MENTERI** menyatakan:-
- (a) apakah YB Menteri maklum bahawa terdapat banyak Badan-Badan Wakaf di negara ini khususnya di negeri Sabah yang tidak berdaftar dan bertanggung jawab kepada mana-mana pihak; dan
  - (b) jika maklum, apakah Kerajaan bercadang untuk mewujudkan satu perundangan agar pentadbiran Badan-Badan Wakaf dalam negara ini diselaraskan.
35. PR-1331-L67262  
**Dr. Hajah Siti Mariah binti Mahmud [ Kota Raja ]** minta **MENTERI PENDIDIKAN** menyatakan pendirian Kementerian mengenai "Sekolah Di Rumah" (*Home Schooling*) dan persediaan Kementerian membantu ibu bapa yang memilih untuk mendidik anak-anak di rumah.
36. PR-1331-L66644  
**Dato' Seri Reezal Merican bin Naina Merican [ Kepala Batas ]** minta **MENTERI KEWANGAN** menyatakan sebab dan alasan kegagalan pengwujudan Islamic Mega Bank (CIMB-RHB Capital-MBSB). Apakah ianya memberikan kesan kepada cita-cita Malaysia menjadi antara peneraju perbankan Islam di dunia.
37. PR-1331-L66083  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KESIHATAN** menyatakan adakah Kementerian mempunyai perancangan untuk membuat promosi khusus dalam memperkenalkan Malaysia sebagai destinasi pelancongan kesihatan.
38. PR-1331-L66605  
**Datuk Liang Teck Meng [ Simpang Renggam ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) adakah terdapat sebarang kes yang telah dikesan oleh Kerajaan berkenaan isu pengenaan GST oleh peniaga sedangkan GST hanya akan berkuat kuasa pada April ini; dan

- (b) apakah tindakan yang diambil dalam memastikan wujud pemantauan GST ke kawasan-kawasan pekan dan pedalaman kerana terdapat isu di mana peniaga memperdayakan pengguna dengan sengaja menaikkan harga barangan termasuk barangan makanan atas alasan pelaksanaan GST.
39. PR-1331-L66569  
**Dr. Ong Kian Ming [ Serdang ]** minta **MENTERI TENAGA, TEKNOLOGI HIJAU DAN AIR** menyatakan sebab *nett metering* untuk menggalakkan penjanaan kuasa elektrik melalui tenaga boleh baharu belum lagi dilaksanakan.
40. PR-1331-L65884  
**Dato' Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan sejauh manakah Kerajaan melakukan kajian atau analisis untuk membezakan tahap kekayaan, pendapatan bukan makan gaji, atau pendapatan individu sebelum cukai dan selepas cukai di kalangan rakyat.
41. PR-1331-L65567  
**Datuk Sapawi bin Ahmad Wasali [ Sipitang ]** minta **MENTERI DALAM NEGERI** menyatakan apakah langkah diambil untuk meningkatkan tahap integriti Jabatan Imigresen Malaysia, khususnya dari segi Prosedur Operasi Standard (SOP) untuk menentukan kredibiliti mereka tidak dipertikaikan, berikutan beberapa kes menggemparkan yang dilaporkan media.
42. PR-1331-L65752  
**Tuan M. Kulasegaran [ Ipoh Barat ]** minta **MENTERI PELANCONGAN DAN KEBUDAYAAN** menyatakan:-
- (a) apakah perkembangan terkini mengenai pewartaan Vivekananda Ashram Brickfields Kuala Lumpur sebagai tapak warisan kebangsaan; dan
- (b) senaraikan tempat-tempat lain di mana Kerajaan berniat dan berhasrat untuk dijadikan sebagai tapak warisan kebangsaan.
43. PR-1331-L66887  
**Dr. Haji Izani bin Haji Husin [ Pengkalan Chepa ]** minta **MENTERI KESIHATAN** menyatakan adakah Kerajaan akan melaksanakan sistem pengasingan '*pendispen*' dan apakah kajian telah dibuat dari segi keberkesanan dan tidak membeban masa serta menaikkan kos kepada pengguna.
44. PR-1331-L65827  
**Tuan Wan Hasan bin Mohd Ramli [ Dungun ]** minta **MENTERI KEMAJUAN LUAR BANDAR DAN WILAYAH** menyatakan perancangan terhadap program kampung tersusun di Kampung Rantau Panjang, Hulu Dungun dan pembangunan ekonomi sekitar.

45. PR-1331-L65406  
**Datuk Linda Tsen Thau Lin [ Batu Sapi ]** minta **MENTERI KERJA RAYA** menyatakan usaha untuk menangani kejadian tanah runtuh di lereng bukit di kawasan Sandakan sejak bencana banjir dan tanah runtuh berlaku pada awal tahun 2011 dan langkah-langkah spesifik untuk menangani masalah tanah runtuh di lereng bukit di Taman Indah Jaya, Sandakan.
46. PR-1331-L67414  
**Dato' Seri Tiong King Sing [ Bintulu ]** minta **MENTERI DALAM NEGERI** menyatakan:-
- (a) berapakah jumlah permohonan yang telah mendapat kelulusan daripada Kementerian Dalam Negeri bagi mendapatkan taraf kewarganegaraan Malaysia di bawah Perkara 15 (1), 15 (2) dan 15 (A) untuk penduduk-penduduk negeri Sarawak; dan
  - (b) berapakah jumlah permohonan yang telah mendapat kelulusan daripada pihak Kementerian bagi mendapatkan perakuan dan pengesahan taraf kewarganegaraan Malaysia di bawah Perkara 19 untuk penduduk-penduduk di negeri Sarawak.
47. PR-1331-L66023  
**Dato' Shamsul Anuar bin Haji Nasarah [ Lenggong ]** minta **MENTERI PENDIDIKAN** menyatakan:-
- (a) mengikut jurusan peratusan lepasan universiti tempatan mendapat peluang pekerjaan; dan
  - (b) menyenaraikan standard universiti awam di Malaysia mengikut ranking.
48. PR-1331-L65716  
**Dato' Kamarudin bin Jaffar [ Tumpat ]** minta **MENTERI PENGANGKUTAN** menyatakan setakat mana kerosakan kepada aset-aset KTM di laluan Kuala Lumpur-Tumpat akibat banjir pada Disember 2014 dan bilakah laluan ini akan boleh diguna semula.
49. PR-1331-L66626  
**Tuan Ahmad Marzuk bin Shaary [ Bachok ]** minta **MENTERI PENGANGKUTAN** menyatakan jumlah kerugian yang ditanggung oleh Keretapi Tanah Melayu (KTM) akibat musibah banjir baru-baru ini. Apakah usaha Kerajaan bagi mengatasi masalah para penduduk yang bergantung kepada pengangkutan kereta api.
50. PR-1331-L65620  
**Laksamana Pertama Mohamad Imran bin Abd Hamid (B) [ Lumut ]** minta **MENTERI PENDIDIKAN** menyatakan bilakah Projek Pembinaan Sekolah Rendah Kebangsaan Simpang Ampat, Sitiawan dalam Parlimen Lumut akan dimulakan dan bilakah tarikh dijangka siap.



51. PR-1331-L65693  
**Datuk Seri Noh bin Haji Omar [ Tanjong Karang ]** minta **PERDANA MENTERI** menyatakan bagaimanakah caranya Kerajaan mengawal kutipan-kutipan derma untuk mangsa bencana alam di dalam dan luar negara.
52. PR-1331-L66344  
**Tuan Sim Chee Keong [ Bukit Mertajam ]** minta **MENTERI KEWANGAN** menyatakan keputusan Kerajaan tentang rayuan untuk mengecualikan setiap ubat daripada GST. Sekiranya ditolak, apakah sebabnya.
53. PR-1331-L66402  
**Dato' Johari bin Abdul [ Sungai Petani ]** minta **MENTERI DALAM NEGERI** menyatakan berapa ramai penjawat awam yang terlibat dalam sindiket kad pengenalan yang dikenal pasti setelah Laporan RCI Sabah diumumkan dan senaraikan nama-nama mereka dan apakah tindakan yang telah diambil terhadap mereka yang terlibat.
54. PR-1331-L65505  
**Dato' Haji Mohd Zaim bin Abu Hasan [ Parit ]** minta **MENTERI PERTAHANAN** menyatakan apakah mekanisme yang digunakan bagi mengukur pencapaian objektif pelaksanaan Program Latihan Khidmat Negara. Berikan statistik pelatih Latihan Khidmat Negara yang telah menjalani program latihan tersebut.
55. PR-1331-L66720  
**Puan Teo Nie Ching [ Kulai ]** minta **PERDANA MENTERI** menyatakan jumlah syarikat bas ekspres, jumlah aduan yang diterima oleh SPAD terhadap syarikat bas ekspres tersebut, mana satu syarikat yang paling kerap diadu, dan tindakan yang diambil terhadap mereka.
56. PR-1331-L65733  
**Tuan Ahmad Baihaki bin Atiqullah [ Kubang Kerian ]** minta **PERDANA MENTERI** menyatakan dengan kerugian yang agak besar yang terpaksa ditanggung oleh Kerajaan Negeri Kelantan untuk membangunkan semula semua kawasan yang terlibat dengan kerosakan akibat banjir, adakah Kerajaan Persekutuan berhasrat untuk mengembalikan bayaran royalti petroleum bagi memastikan aktiviti pemulihan dapat dijalankan dengan lebih baik dan lancar.
57. PR-1331-L65413  
**Tuan Haji Mohd Fasih bin Haji Mohd Fakeh [ Sabak Bernam ]** minta **MENTERI KEMAJUAN LUAR BANDAR DAN WILAYAH** menyatakan sejauh manakah penstrukturan semula ekonomi disebabkan penurunan harga minyak dan kejatuhan ringgit akan memberikan kesan kepada program pembangunan dan penyediaan infrastruktur luar bandar termasuk di Parlimen Sabak Bernam.

58. PR-1331-L66186  
**Tuan Oscar Ling Chai Yew [ Sibu ]** minta **MENTERI PENDIDIKAN** menyatakan tindakan yang akan diambil kerana mata pelajaran sejarah SJK tahun lima mengandungi kesalahan. Mengapa dalam mata pelajaran sejarah tahun 4 SJK tidak mengatakan pembentukan Malaysia pada tahun 1963, hanya mengatakan kemerdekaan Malaysia 1957, adakah ini bermaksud Pembentukan Malaysia dengan Sabah dan Sarawak pada tahun 1963 tidak penting.
59. PR-1331-L66910  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan apakah jaminan Kerajaan terhadap pindaan Akta Kesatuan 1959 dipinda agar proses pengiktirafan kesatuan dapat dilaksanakan dengan lebih baik.
60. PR-1331-L65666  
**Dato' Othman bin Aziz [ Jerlun ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sejauh manakah ahli Majlis Penasihat Harga memainkan peranan bagi mengelakkan berlakunya eksploitasi harga barangan dan perkhidmatan dalam pasaran terutamanya ketika isu kuasa pasaran sedang hangat diperkatakan.
61. PR-1331-L66068  
**Tuan Ng Wei Aik [ Tanjong ]** minta **MENTERI DALAM NEGERI** menyatakan statistik jenayah indeks dan jenayah bukan indeks di setiap daerah polis dalam negeri Pulau Pinang serta perbezaannya bagi setiap jenis jenayah bagi tempoh 6 bulan yang terkini (September 2014 sehingga Februari 2015) dan 6 bulan sebelum ini (Mac 2014 sehingga Ogos 2014).
62. PR-1331-L65606  
**Tuan Sim Tong Him [ Kota Melaka ]** minta **MENTERI PELANCONGAN DAN KEBUDAYAAN** menyatakan:-
- (a) tentang usaha yang diambil oleh Kementerian untuk menarik lebih ramai pelancong dari Negara China untuk melawat Malaysia dan bagaimanakah dengan persaingan dengan negara-negara di rantau ini; dan
  - (b) adakah kedatangan pelancong yang tidak memerlukan visa boleh jadikan satu tarikan besar untuk pelancong dari Negara China.
63. PR-1331-L65975  
**Puan Siti Zailah binti Mohd Yusoff [ Rantau Panjang ]** minta **PERDANA MENTERI** menyatakan langkah-langkah keselamatan yang telah dilaksanakan oleh Kementerian ketika menghadapi musibah banjir besar baru-baru ini.

64. PR-1331-L67193  
**Tan Sri Datuk Seri Panglima Annuar bin Musa [ Ketereh ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sejauh manakah kejayaan Kerajaan dalam mengawal harga barang sejak penurunan harga minyak baru-baru ini.
65. PR-1331-L66978  
**Tuan Wong Ling Biu [ Sarikei ]** minta **MENTERI KESIHATAN** menyatakan berapa buah Klinik 1Malaysia mempunyai doktor dan berapa yang tidak mempunyai doktor yang berkecukupan. Bilakah Klinik 1Malaysia bertempat di Sg. Jakar Sarikei mempunyai seorang doktor yang berkecukupan. dan berapakah orang pesakit telah mendapatkan perkhidmatan di Klinik 1Malaysia di Sg.Jakar setakat sekarang.
66. PR-1331-L66946  
**Tuan Mohd Rafizi bin Ramli [ Pandan ]** minta **MENTERI KEWANGAN** menyatakan sama ada Kerajaan telah mengutip cukai tersembunyi ke atas penjualan petrol dan diesel apabila harga yang ditetapkan lebih rendah daripada harga harian mengikut formula Kerajaan dan berapa jumlah yang dikutip sejak Disember 2014.
67. PR-1331-L66874  
**Tuan Lim Guan Eng [ Bagan ]** minta **MENTERI DALAM NEGERI** menyatakan keputusan siasatan polis terhadap kenyataan fitnah oleh YB. Bera, bekas Timbalan Menteri Dr. Mashitah Ibrahim dan Ketua Bahagian UMNO, Datuk Zaidi Mohd. Said terhadap masyarakat Cina. Apakah kepentingan nasional kepada Malaysia yang dibantu oleh Paul Phua, pakar judi yang kini ditahan oleh *Federal Bureau of Investigation* (USA).
68. PR-1331-L67308  
**Dato' Seri Abdul Hadi bin Awang [ Marang ]** minta **PERDANA MENTERI** menyatakan apakah kriteria utama yang membolehkan Darurat Bencana diisytiharkan agar usaha menyelamatkan nyawa rakyat dibuat dengan segera dan melibatkan seluruh jentera Kerajaan.
69. PR-1331-L66298  
**Tan Sri Dato' Seri Abd Khalid bin Ibrahim [ Bandar Tun Razak ]** minta **PERDANA MENTERI** menyatakan kontrak konsesi dan projek diswastakan sejak 1982 termasuk semua bentuk kerugian bagi rakyat sama ada akibat impak langsung ke atas rakyat atau menerusi Kerajaan kerana perlu dibayar pampasan akibat pelbagai isu pelaksanaan dan dinasionalisasikan semula setelah gagal mencapai matlamat.
70. PR-1331-L67136  
**Tuan Jeff Ooi Chuan Aun [ Jelutong ]** minta **MENTERI KEWANGAN** menyatakan sama ada 1MDB sebenarnya sudah muflis kerana berkali-kali tidak berupaya membayar balik mengikut jadual berkontrak bagi pinjamannya sebanyak RM2 billion daripada Maybank (58.99%) dan RHB (32.41%).

71. PR-1331-L65526  
**Dato' Fauzi bin Abdul Rahman [ Indera Mahkota ]** minta **PERDANA MENTERI** menyatakan apakah usaha Kerajaan untuk memastikan ada satu mekanisme '*check and balance*' bagi jawatan-jawatan penting dan strategik negara seperti Peguam Negara, Ketua Polis Negara dan seumpamanya.
72. PR-1331-L67480  
**Tuan V. Sivakumar [ Batu Gajah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan tempoh masa yang diambil oleh Jabatan Kebajikan Masyarakat untuk memproses sesuatu permohonan bantuan. Dalam keadaan tertentu pemohon memerlukan bantuan kewangan kecemasan. Bagaimanakah pihak jabatan membantu menyediakan bantuan sedemikian.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Dalam Negeri**

- \* Rang Undang-undang Antipemerdagangan Orang dan Antipenyeludupan Migran (Pindaan) 2015

2. **Menteri Dalam Negeri**

- \* Rang Undang-undang Hasutan (Pindaan) 2015

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

**ATURAN URUSAN MESYUARAT DAN USUL-USUL**

- |    |                |   |                               |
|----|----------------|---|-------------------------------|
| 1. | (D.R. 6/2015)  | Rang Undang-undang Langkah-Langkah Khas Menentang Keganasan di Luar Negara 2015 | <b>Bacaan Kali Yang Kedua</b> |
|    |                | <b>[ Menteri Dalam Negeri ]</b>   |                               |
| 2. | (D.R. 5/2015)  | Rang Undang-undang Penjara (Pindaan) (No.2) 2015                                | “                             |
|    |                | <b>[ Menteri Dalam Negeri ]</b>   |                               |
| 3. | (D.R. 4/2015)  | Rang Undang-undang Kanun Keseksaan (Pindaan) 2015                               | “                             |
|    |                | <b>[ Menteri Dalam Negeri ]</b>   |                               |
| 4. | (D.R. 8/2015)  | Rang Undang-undang Pencegahan Jenayah (Pindaan) 2015                            | “                             |
|    |                | <b>[ Menteri Dalam Negeri ]</b>   |                               |
| 5. | (D.R. 9/2015)  | Rang Undang-undang Kanun Tatacara Jenayah (Pindaan) 2015                        | “                             |
|    |                | <b>[ Menteri Dalam Negeri ]</b>   |                               |
| 6. | (D.R. 7/2015)  | Rang Undang-undang Kesalahan Keselamatan (Langkah-Langkah Khas) (Pindaan) 2015  | “                             |
|    |                | <b>[ Menteri Dalam Negeri ]</b>   |                               |
| 7. | (D.R. 12/2015) | Rang Undang-undang Keterangan (Pindaan) 2015                                    | “                             |
|    |                | <b>[ Menteri di Jabatan Perdana Menteri ]</b>                                   |                               |
| 8. | (D.R. 13/2015) | Rang Undang-undang Suruhanjaya Penerbangan Malaysia 2015                        | “                             |
|    |                | <b>[ Menteri di Jabatan Perdana Menteri ]</b>                                   |                               |
| 9. | (D.R. 14/2015) | Rang Undang-undang Suruhanjaya Sekuriti (Pindaan) 2015                          | “                             |
|    |                | <b>[ Menteri Kewangan ]</b>   |                               |

10. (D.R. 16/2015) Rang Undang-undang Pasaran Modal dan Perkhidmatan (Pindaan) 2015 **Bacaan Kali Yang Kedua**

**[ Menteri Kewangan ]**

11. (D.R. 15/2015) Rang Undang-undang Kumpulan Wang Persaraan (Pindaan) 2015 “

**[ Menteri Kewangan ]**

12. (D.R. 1/2015) Rang Undang-undang Ahli Kimia (Pindaan) 2015 “

**[ Menteri Sains, Teknologi dan Inovasi ]**

13. (D.R. 23/2014) Rang Undang-undang Ahli Parlimen (Saraan) (Pindaan) 2014 “

**[ Perdana Menteri ]**

14. **Menteri Kewangan** akan mencadangkan:-

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

15. **Menteri Dalam Negeri** akan mencadangkan:-

“Bahawa Majlis ini membuat resolusi menurut subseksyen (4), Seksyen 1, Akta Dadah Berbahaya (Langkah-Langkah Pencegahan Khas) 1985 supaya akta ini hendaklah terus berkuatkuasa bagi tempoh 5 tahun lagi mulai dari 15 Jun 2015.”

16. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Diperbadankan) membuat pelaburan dengan memperoleh sejumlah 10,000,000 unit saham biasa MyHSR Corporation Sdn Bhd, sebuah syarikat yang dimiliki sepenuhnya oleh Menteri Kewangan (Diperbadankan) pada nilai RM1 bagi satu unit saham.”

17. PR-1331-U65762

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut."

**[ Perdana Menteri ]**

18. PR-1331-U65853

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi."



Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

19. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera. "

**[ Perdana Menteri ]**

20. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**

21. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

22. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

23. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**

24. **Dato' Seri Abdul Hadi bin Awang [ Marang ]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2015 seperti berikut:

i- menggantikan Seksyen 2 dengan seksyen berikut:

"2. Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Senarai 1 Senarai Negeri di bawah Jadual Kesembilan Perlembagaan Persekutuan.";dan

ii- memasukkan selepas seksyen 2 dengan seksyen berikut:

"2A. Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, sesuai dengan kehendak syariah Islam."

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
CMD. 22	Laporan Tahunan Suruhanjaya Perkhidmatan Kehakiman Dan Perundangan Bagi Tahun 2014.	07 April 2015
ST. 33	Laporan Tahunan Dan Penyata Kewangan Suruhanjaya Sekuriti Bagi Tahun 2014.	07 April 2015
ST. 53	Laporan Tahunan Suruhanjaya Pelantikan Kehakiman Bagi Tahun 2014.	07 April 2015
ST. 56	Laporan Tahunan Bank Negara Malaysia 2014.	07 April 2015
ST. 57	Laporan Kestabilan Kewangan dan Sistem Pembayaran 2014.	07 April 2015
ST. 59	Laporan Tahunan Dan Penyata Kewangan Perbadanan Insurans Deposit Malaysia (PIDM) Bagi Tahun 2014.	07 April 2015